



24 MARZ 2014

Claude Nicolier ha referi a Scuol. In occasiun da l'eivna d'aua ha referi il prim astronaut svizzer chi'd es stat in l'univers. El ha descrit il «planet blau» uschè sco chiel til ha vis our da la nav spaziala.

27 MARZ 2014

Chanzuns tessinais i'l hotel Waldhaus. Roberto Maggini e'l clown Dimitri sun vegls amihs artists. Els haun in-chanto lur public a l'hotel Waldhaus a Segl.



30 MARZ 2014

Cumün cun 4'700 abitants. Il plü grond cumün in Svizra es eir il plü grond cumün rumantsch. Cun 80% vuschs da schi es reuschida la fusiun dals cumüns da Guarda, Ardez, Tarasp, Scuol, Ftan e Sent.



1. AVRIGL 2014

Arch musical al Caferama Badilatti a Zuoz. Il Radio Rumantsch ha invadà al Caferama Badilatti a la registraziun d'üna emischiun «Arch musical».



4 AVRIGL 2014

Ladina Heimgartner – nova directura da RTR. Ladina Heimgartner es la nova directura da Radiotelevisiun Svizra Rumantscha. La schurnalista es la prima duonna al timun da RTR. Ella es gnida eletta scu successura da Mariano Tschuor.



7 AVRIGL 2014

Dominique Dosch e Dumenic Andry a Sent. Il prim cudesch da Dumenic Andry as nomna «Roba da tschel muond». Il prim roman da Dominique Dosch ha nom «Sindoria». Illa Grotta da cultura han els prelet da lur texts edits e na edits.



8 AVRIGL 2014

Concert cun chanzuns da Daniel Manzoni. A Puntraschigna haun iffants da las scoulinas e da las scoulas primaras d'Engiadin'Ota chanto d'avaunt ün vast public. Insembel cun Linard Bardill haune chanto diversas chanzuns rumauntschas dal proget da musica Ramba Zamba.